

Konkomba - Waafuur Nyaan Baajab Uwumbor Aagbañ - SW Intro Scriptures

Luk 17:5 Le waakpambalb bui u, "Tidindaan, too kpee timi aanaadii pu."

Rom Yaab 10:17 Tɔ, unii u gaa Kristo ki kii na, u ɻun waabor, nima le u gaa u ki kii. Unii u ɻun Kristo aabor na, unii ubaa le moon tibor ngbaan, nima le cha u ɻun.

Luk 11:1 Kitaak kibaa daal, le Yesu nan bi nibaa chee ki bi mee Uwumbor. Waah mee u ti doo na, le waadidiliib ponn ni ubaa bui u, "Ndindaan, mɔk timi taah ga mee Uwumbor pu na, ke Jɔnn u nan muini binib nnyun ni na aah nan mɔk waadidiliib pu na."

1 Timoti 2:1-4 Tɔ, tibor ti ye tibokpaan na le ye ke m ban ke ni li mee Uwumbor ki tii binib mɔmɔk, ki li gañni u ke u san bi kinimbaak, ki li dooni u bi pu. 2 Ni li mee Uwumbor kina ki tii bibɔrb, ni kitij aaninkpiib mɔmɔk, aan ti li bi tibaa pu, ki li kpa nsuudoon, ki li dii Uwumbor aasan, ki li ɻani tiwan mɔmɔk mbamɔm. 3 Ni yaa mee Uwumbor kina kan, ni ɻan, ki piir Uwumbor u gaal timi lir na aasui. 4 U ban ke binib mɔmɔk ɻmar, aan ki bee waabor ti ye mbamɔm na.

Sekaria 3:1,2 Tidan̄ tiken ponn ni le Uwumbor nan di waatotoorninkpel Josua mɔk mi, u si Uwumbor aatuun aanimbiin ni. Le kinimbɔŋ mu si gbɔk Josua, ki kii ke u galn u. 2 Uwumbor aatuun ngbaan nan bui kinimbɔŋ ke, "Sin kinimbɔŋ, Uwumbor ga bii saabor. Uwumbor u gee Jerusalem na ga bii saabor. Uja wee bi ke ndɔ mu bi chuu daa nyan mmii ni na la."

Efesus Yaab 6:12 Naa ye binib le ti jaa kijaak. Ti jaa kinimbɔŋ aanikpiwanbir ti bi paacham ki kpa mpɔɔn ki joo dulnyaa aanib bi bi mbɔmbɔɔn ni na le kijaak.

Efesus Yaab 6:10,11 Nnaabitiiib, gbelngbeln yaan le ye ke Tidindaan aah kpa mpɔɔn sakpen pu na, ni li kpa mpɔɔn mu u tii nimi na. 11 Yoor man tijawan timɔk Uwumbor tii timi na. Nima le ga cha ni ɻmaa yii kinimbɔŋ aanyamɔn aalan.

Efesus Yaab 6:13-17 Nima pu na, ni yoor tijawan timɔk Uwumbor tii timi na. Nima le ga cha ni yii kinimbɔŋ, ki nyañ ki, ki li beenin si bundaln ki ga jan nimi kijaak na. 14 Nima pu na, gor nibaa man ki ti jan kijaak. Ni li joo Uwumbor aabor ti ye mbamɔn ki naahn ligbapapaln na; ki li kpa mbimbinyaan mu bi ke tikur ti bii kibij pu na; 15 ki li tak ɻinaatak ɻi ye tibɔnyaan ti tii timi nsuudoon na; 16 ki li ɻani Yesu Kristo naadii, naadii bi ke kipeln ki ga kiir kinimbɔŋ aapiin i wu ke mmii na; 17 ki li chik tikur aayikpupuk ki ye Uwumbor aapɔɔn mu gaa nimi lii na; ki yoor Uwumbor aabor ti naahn kijaak aajuk ki Waafuur Nyaan di tii timi na;

Hiibru Yaab 4:12 Uwumbor aabor fu, ki kpa mpɔɔn, ki ka jer kijuk ki ka njepel mɔmɔk ɻilee na, ki koo unii aasui ni, ni waawiin ni, ki lik usui ni aabɔbɔrkaan aah bi pu na, ki mɔk waalandak aah bi pu na, ki lik usui aah ban pu na, ke ni

ŋan aan naa ŋan.

Luk 4:8 Le Yesu bui ki ke, "Ni ŋmee Uwumbor aagban ni ke, 'Li pak Aadindaan Uwumbor ki dii uma baanja.' "

Efesus Yaab 6:18 ki li mee Uwumbor ki gaŋni u ke u ter nimi. N-yoonn mɔmɔk ni li mee u mbimbin mɔmɔk pu. Waafuur Nyaan aah mɔk nimi pu na, ni li mee u kina, ki taa geeni man, ki taa di cha man. Ni li mee u n-yoonn mɔmɔk ki tii waanib mɔmɔk,

1 Samuel 17:45-47 David nan kii u ke, "Aa joo kijaak aajuk, ni kikpaatuŋ, ni kijaangbeek le choo m chee; m ma kan, m choo aa chee Uwumbor Mpɔɔnsakpiindaan, u ye Israel aajab Aawumbor na aayimbil li aa sii na ni la. 46 Din aataak kee le Uwumbor ga di si ŋa maapɔɔn ni. M ga nyəŋ si ki gii aayil, ki di Filistia aajab aawon tii inyoon ni ipeel, le dulnyaa wee mɔmɔk bee ke Israel yaab sil kpa Uwumbor, 47 le binib bi mɔmɔk bi do na kan ke Uwumbor aa ban kijaak aajum, bee tikpaatunn, ke u di gaa waanib lii. U nyəŋni butɔb ni, le ki ga di ni mɔmɔk ŋa timi aapɔɔn ni."

Luk 10:17-20 Le bijab imonko itaa ni kipiik ngbaan gir ni Yesu chee ni mpopiin, ki nan bui u, "Tidindaan, tiyayaar mu kii timi aamɔb, saayimbil pu." 18 Le u bui bi, "M kan kinimbɔŋ nyəŋ ni paacham ki ŋa yɔli ke uteal aah moor ki lir pu na. 19 Lik man, m tii nimi mpɔɔn, ni ti taa ikuub ni inyoohn pu, ki tii nimi mpɔɔn, ni nyəŋ timi aadin kinimbɔŋ aapɔɔn mɔmɔk, le tiwan nibaa aan ŋmaa ŋa nimi nibaa. 20 Tɔ, tiyayaar aah kii nimi aamɔb na, ni taa cha nima baanja le li ye nimi aapopiin. Nimi aayimbil aah ŋmee paacham na le ye mpopiin mbamɔɔm."

2 Korint Yaab 10:3-5 Ni ye mbamɔɔn ke ti po ye binib la. Ni mu aa ye binib aajaak le ti jaa, 4 ki mu aa di binib aapɔɔn le jan kijaak ngbaan. Ti di Uwumbor aapɔɔn mu bii kinimbɔŋ aapɔɔn mɔmɔk na le jan ki. Ti len ki nyəŋ binib bi kpak Uwumbor aaliin kinikpakpak na, 5 ki nyəŋ binib bi kpa kalmbaani ki dak ke bi kpa nlan ki jer Uwumbor na. Ti cha ilandak mɔmɔk kii Kristo aamɔb.

2 Timoti 1:7 Nfuur Nyaan mu Uwumbor tii timi na aan ŋa timi bijawaandam. Mu tii timi mpɔɔn, ki cha ti gee binib, ki chur tibaa.

Matiu 12:28,29 Tɔ, Uwumbor Aafuur Nyaan le tii mi mpɔɔn le m nyani tiyayaar binib ni. Nima le mɔk ke Uwumbor aanaan fuu ni ni chee." 29 "Ubaa aan ŋmaa koo mpɔɔndaan aadichal ni ki bii waawan, see u puen buu u le waahr, le ki nin bii waadichal.

Efesus Yaab 1:13 Ni mu gaa Kristo ki kii la. Naah ŋun Uwumbor aabor ti ye mbamɔɔn, ki ye tibɔnyaan ti cha ni ŋmar na, le ni gaa Kristo ki kii. Naah kpaan u ni na, le Uwumbor tii nimi Waafuur Nyaan, ke waah nan puu tipuul ti na, ki mɔk ke ni ye waanib la.

Lituln 19:6 Le u di unjaal paan bi pu. Le Uwumbor Aafuur Nyaan sunn ni bi pu. Le bi len iliin yayan, le ki nabr Uwumbor aah len pu na.

Mak 16:15-18 Le u ki tuk bi, "Ni li cha itingbaan mɔmɔk ni, ki di tibɔnyaan tee tuk

binib mōmōk. 16 Unii u gaa mi ki kii, ki cha bi muin u nnyun ni na, u ga ḥmar. Unii u kaa gaa mi ki kii na, Uwumbor ga bui ke waabor bii. 17 Binib bi gaa mi ki kii na ga tun lijinjiir aatun. Maayimbil pu le bi ga nyan tiyayaar binib ni; bi ga len illin yayan; 18 bi ga chuu iwaa, le yaan ḥa bi nibaa. Bi yaa nyu liliul kan, laan ḥa bi nibaa. Bi ga di binjaal paan bibum pu, le bi ga pōk."

1 Jōnn 1:9 Uwumbor ḥani waah len pu na ki ye mbamōndaan la. Ti yaa kpiir timi aatunwanbir tuk u kan, u ga di cha pinn timi aatunwanbir, ki finn tipobil, ki nyan tiwan ni kaa ḥan na mōmōk.

Nnyam 20:5 Ni taa gbaan kitij ke ni doon liwaal libaa; ba pu? min le ye Nidindaan Uwumbor, le maa ban m ni ubaa li kpaan yeh nimi. M ga daa binib bi nan mi na, ni biyaabitiib, ni bi mu aayaabitiib aatafal,

Ilahn 109:17 U nan gee timōpur, kina pu na, cha bi puun timōpur lii u pu. Waa nan gee ke u mee Uwumbor aanyoor ḥa ubaa pu, kina pu na, ubaa mu taa mee Uwumbor aanyoor ḥa u pu.

Bibojirb - Binib 16:16 Iwiin mōmōk u nan baa u le ki gir baa u. Waah nan muk u ni pu ki ti cha ulaasaab nyan ubaa ni pu na pu, le u ti baan tuk u mbamōn. U nan bui u ke, "Baa kee di kijuk meeh maayikpir.

Efesus Yaab 4:26 Ni yaa gee lijuul kan, ni taa cha nimi aaŋjuul ngbaan tun titunwanbir. Ni taa li beenin joo lijuul ngbaan nwiiŋ ti lir,

Rom Yaab 14:12 Nima pu na, ti mōmōk ga tuk Uwumbor taah ḥa pu na.

1 Jōnn 2:23 Unii umōk yii Uwumbor Aajapōon na yii Uwumbor mu la. Unii umōk gaa Uwumbor Aajapōon na gaa Uwumbor mu la.

Jōnn 14:6 Le Yesu bui u, "Min le ye nsan ngbaan, ni mbamōn, ni limōfal. Ubaa aan dan Nte Uwumbor chee, see u dii mi.

Matiu 11:28-30 "Nimi bimōk tun lituln ki ti bak na, dan m chee man, le m ga tii nimi lifuur. 29 Gaa maatuln man, ki bae mbaem m chee; m bi suuna, ki sunn mbaa taab. Ni ga kan lifuur; 30 ba pu? maamōkm aa pōo. Maatuln mu aa nyuun."

2 Korint Yaab 6:2 Uma Uwumbor le len ke, "Naah ḥeer pu na, le m pel saameen. Bundaln ni ḥeer ke m gaa si lii na, le m ter si." Li pel man, din le ni ḥeer. Din le ye n-yoonn mu u ga gaa si lii na.

Rom Yaab 10:13 Waagban̄ len ke unii umōk mee Uwumbor ke u gaa bi lii na kan, u ga gaa bi lii.